



UNIVERSITÄTS-  
BIBLIOTHEK  
PADERBORN

**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs  
Tractatus de Prædestinatione, de Trinitate, de Angelis, & de homine

**Gonet, Jean-Baptiste**

**Coloniæ Agrippinæ, 1671**

§. I. Conclusio negativa statuitur,

---

[urn:nbn:de:hbz:466:1-77146](#)

## ARTICULUS I.

*An ex effectibus naturalibus mysterium Trinitatis demonstrari possit?*

1. **D**Artem affirmativam tenuit olim Raymundus Lullius, existimans ex rebus naturalibus deduci posse rationes omnino evidentes, quibus mysterii Trinitatis veritas ipsi etiam Mahometanis & infidelibus demonstrari possit: quavis ipsum concuec excusare Vazquez. Sed quidquid sit de ejus mente, huic sententia, seu potius errori, favere videntur quidam antiqui Theologi, ut Richardus à S. Victore, Henricus, & Joannes Geronius, Cancellarius Parisiensis, qui licet concedant, seclusa omni revelatione divinâ, non posse mysterium Trinitatis ab intellectu creato cognoscî, suppositâ tamen aliquâ ejus revelatione, saltâ extrinsecâ, assertunt posse lumine naturali inveniri rationes, quibus hujus mysterii existentia demonstrativè probetur. Oppositum docent ceteri Theologi cum Magistro in 1. dist. 2. & cum S. Thoma ibidem dist. 3. quest. 1. art. 4. & in presenti quest. art. 1.

## §. I.

*Conclusio negativa statutur.*

2. **D**ico igitur: Ex effectibus naturalibus mysterium Trinitatis non potest demonstrari, etiam suppositâ divinâ revelatione.

Probatur ratione D. Thomæ: Effectus cognitus sive quidditativer, sive comprehensivè, non ducit in cognitionem causæ, nisi sub ea ratione sub qua ab illa procedit. Atqui effectus naturales non procedunt, nec pendent per se à Deo ut trino, sed solum quatenus uno: Ergo ex illis, etiam ut comprehensivis, non potest cognitio demonstrativa Trinitatis haberî. Major est certa: nam cognitio causæ ex effectu fundatur in dependentia, quam effectus habet ab illa: Ergo ex effectu non potest cognosci causa, nisi sub ea ratione qua terminat dependentiam illius, & sub qua effectus ab illa producitur. Minor autem probatur: Creaturæ procedunt per se à Deo, ratione omnipotentiaz, per modum virtutis proximæ, & ratione Divinitatis, ut principiū radicale: Sed omnipotenz & Divinitas convenienter Deo pro priori ad relationes, quibus constituantur personæ: Ergo per se non dependente à Deo, quatenus trino, sed quatenus uno. Unde si per impossibile Deus non esset trinus in personis, sed in una persona substantia, ut existimabant olim Philosophi Gentiles, adhuc manarent creaturæ, cum perseveraret virtus prodicia illarum, scilicet omnipotenz.

Confirmatur & magis illustratur hæc ratio, hoc exemplo aptissimo. Sicut effectus procedentes ab artifice, v. g. tabella depicta à pictore, vel domus ab architecto reconstruta, ejus quidem artem & industriam manifestant; quia ab illa procedunt, & per se dependent; non tamen ejus colorem, figuram, staturam, vestes, & similia, quæ per se non currunt ad operis productionem, sed merè per accidens & concomitantem se habent in artifice ut artificiosè operante; Ita pariter, quamvis ex inspectione creaturarum, & ex artificio, hujus mundi fabrica, infinitam supremi illius artificis artem, sapientiam, & potentiam cognoscamus, juxta illud à apostoli ad Roman. 1. *Invisibilium Dei per ea quæ facta sunt, intellecta conspicuntur, semperna quoque virtus ejus ac Divinitas: ex illis tamen ad notitiam Trinitatis de-*

*A*venir non possumus: quia Deus ut trinus, per se non concurrit ad productionem creaturarum, sed ut omnipotens, & sapiens, ac supremus artifex; & quia divinae relationes, quæ activæ non sunt, & habent rationem puri termini, non influunt in opera Dei ad extra, sed solum personalium constituant.

Hæc ratio non solum probat, seclusa divinâ revelatione, ex effectibus naturalibus mysterium Trinitatis non posse demonstrari, sed nec etiam illâ suppositâ: quia revelatio non dat effectus Dei dependentiam ab ipso, quatenus trino. Ergo si defectu connexionis cum Deo, quatenus trino, non potest ante revelationem ex illo Trinitas personarum demonstrari, etiam revelatione suppositâ, non poterit Deus ut trinus ex creaturis demonstrativè cognosci.

## §. II.

*Precipue objectiones solvuntur.*

**C**ontra præcedentem conclusionem in primis obiecta potest, quod Philosophi Gentiles cognoverunt mysterium Trinitatis: Sed nulla fuit eiæ facta revelatio supernaturalis. Ergo seclusa omni revelatione supernaturali, ex effectibus naturalibus potest mysterium Trinitatis evidenter cognosci. Minor, & Consequenter patet, Major vero probatur: quia multa inveniuntur dicta à Philosophis Gentilibus de hoc mysterio, In primis enim Aristoteles *de calo*, loquens de numero ternario, dicit quod per illum oportet nos Deum magnificare. Item Pythagoras, teste eodem Aristotele, docuit ipsum omne, ac omnia, tribus esse definita; propter quod in Deorum sacrificiis numero ternario uti solet. Item Avicenbron olim dicebat, quod El, & Elohim, & Jehovah, tres persona, & unus Deus, creavit mundum. Similiter Trigemius aliter quod Monas genuit Monadem, & in seum reflexat similem: quibus verbis manifeste videtur exprimi generatio Verbi, & processio Spiritus Sancti. Denique Augustinus libro 7. *Confess.* refert legiisse in libris Platonicorum, non quidem eiusdem verbis, sed similibus, multa ad Sanctissima Trinitatis notitiam pertinentia, v. g. illud quod de æterna Verbi generatione scribit Joannes: *in principio erat Verbum, & Verbum erat apud Deum, & Deus erat Verbum.*

Confirmatur: In pluribus naturæ operibus, liqua relucere videntur Trinitatis vestigia, ex quibus Gentiles Philosophi poterunt hoc mysterium cognoscere, vel saltâ aliquam illius habere suspicionem. Nam, ut egregie annotavit Joannes Bongus, in libro quem edidit de mystica numerorum significatione, ita in numero ternario lusit natura, ut primo aspectu videatur invenire & inscrutabilis Trinitatis imaginem in cunctis suis operibus insculpisse. Tres enim sunt gradus naturarum constitutivi: scilicet esse, vivere, & intelligere. Tria rerum naturalium principia: materia, forma, & privatio. Tres durationum mensurae: tempus, ævum, & territis. Tres temporis partes: futurum, praesens, & præteritum. Triplex quantitaris species: linea, superficies, & corpus. Tres celos tantum admittunt Philosophi. Triplex in ipsis virtutibus: motus, calor, & lux. Triplex vita principiorum: anima rationalis, sensitiva, & vegetativa. Triplex in anima rationali potentia: intellectus,